

III. OUTRAS DISPOSICIÓNS**AXENCIA GALEGA DE INNOVACIÓN**

EXTRACTO da Resolución do 17 de xuño de 2022 pola que se aproban as bases reguladoras para a concesión, en réxime de concorrència competitiva, de axudas destinadas á creación e integración de novos centros de investigación empresarial no ecosistema de innovación de Galicia, enmarcados nas prioridades estratéxicas da RIS3, e se procede á súa convocatoria para o ano 2022 (código de procedemento IN853D).

BDNS (Identif.): 636900.

De conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, publícase o extracto da convocatoria cuxo texto completo se pode consultar na Base de datos nacional de subvencións (<http://www.pap.minhap.gob.es/bdnstrans/index>).

Primeiro. *Entidades beneficiarias*

1. Poderá ser beneficiaria calquera empresa, constituída como sociedade mercantil, que desenvolva actividades de investigación no ámbito da Estratexia de investigación e innovación para a especialización intelixente de Galicia (RIS3 Galicia). Para levar a cabo as actividades subvencionables, as beneficiarias deberán ter a súa sede social ou un centro de traballo en Galicia.

2. Están excluídos:

a) Os organismos de investigación.

b) As entidades e sociedades públicas con personalidade xurídica propia vinculadas ou dependentes das administracións públicas, así como aquelas pertencentes á Administración institucional, calquera que sexa a Administración en que se integren.

c) Entidades que, no momento de presentaren a solicitude da axuda, estean realizando a mesma actividade que desempeñan noutro centro.

d) Entidades que realicen actividades que non poidan ser compartidas e/ou complementarse co ecosistema empresarial galego.



e) Aquelas entidades que posúan un dereito de concesión sobre o centro ou sede onde realicen a actividade.

f) Entidades que non desempeñen actividades económicas.

g) Calquera ente, organismo ou entidade con personalidade xurídica propia que se crea-se especificamente para satisfacer necesidades de interese xeral que non teñan carácter industrial ou mercantil, sempre que un ou varios suxeitos pertencentes ao sector público financien maioritariamente a súa actividade, controlen a súa xestión, ou nomeen máis da metade dos membros do seu órgano de administración, dirección ou vixilancia, de acordo co establecido no artigo 3.1 da Lei 9/2017, do 8 de novembro, de contratos do sector público.

Segundo. *Obxecto*

Axudas dirixidas a empresas (sociedades mercantís) que teñan por obxecto a creación de novos centros de investigación que complementen a oferta tecnolóxica do ecosistema de I+D+i de Galicia, enmarcados nas prioridades estratéxicas da RIS3, que cumpran os seguintes requisitos:

a) O centro de investigación non poderá preexistir en Galicia no momento de solicitude da subvención en resposta á correspondente convocatoria, pero si a empresa promotora. Polo tanto, a solicitude de axuda terá como propósito crear un novo centro de traballo e/ou crear unha nova infraestrutura de investigación con efecto incentivador.

b) O centro de investigación deberá estar fisicamente en Galicia, os seus medios e instalacións deben estar perfectamente delimitados, identificados e diferenciados fisicamente dos do resto da empresa antes de que finalice o prazo de xustificación.

c) As actividades de investigación (TRL1 a 4) que se realicen no novo centro creado deberán constituír unha nova liña de actividade para a empresa ben porque previamente non realizaba labores de investigación, ben porque, mesmo realizando investigación previamente, levará a cabo a dita actividade nunha rama científico-tecnolóxica nova e, polo tanto, supón unha diferenza fronte ao resto de actividades levadas a cabo pola empresa no caso de que xa tivese centros de traballo en Galicia.

d) O centro de investigación deberá acoller polo menos 10 empregados (a tempo completo ou equivalente) dedicados exclusivamente a actividades de investigación no centro



de nova creación obxecto desta axuda. Este requisito deberase cumprir no momento da fin do prazo de execución do proxecto subvencionado, así como aos 3 anos tras a finalización da execución do investimento. Os traballadores que se contraten non poderán ter vinculación coa entidade nos 6 meses previos.

e) O orzamento mínimo das propostas será de 3.000.000,00 euros e máximo de 20.000.000,00 euros.

f) A vixencia e funcionamento do centro de investigación en Galicia en relación coas actividades obxecto de subvención indicadas nas presentes bases ou na correspondente convocatoria deberá ser, polo menos, de 5 anos contados desde a data de finalización do prazo de xustificación da subvención.

g) O acceso ás infraestruturas estará aberto a varios usuarios e concederase de forma transparente e non discriminatoria. A empresa promotora do centro poderá beneficiarse de acceso preferente en condicións máis favorables; para ese efecto, publicaranse as tarifas correspondentes (a prezo de mercado) e as horas de funcionamento anual. Co fin de evitar unha compensación excesiva, este acceso será proporcional á contribución da empresa aos custos de investimento (subvencionables ou non) e esas condicións faranse públicas.

h) Co obxecto de garantir os principios de transparencia e non discriminación, trimestralmente publicarase a listaxe de accesos realizados por cada unha das entidades que conforman a agrupación.

i) Non poderá desenvolver actividades non económicas.

Terceiro. *Bases reguladoras*

Publícanse conxuntamente coa convocatoria.

Cuarto. *Contía*

O importe total da convocatoria é de 10.000.000,00 euros, 1.000.000,00 € con cargo ao ano 2022, 4.500.000,00 € para o ano 2023, 4.000.000,00 € para o ano 2024 e 500.000,00 € con cargo ao ano 2025.

CVE-DOG: dvivgqf3-h3l8-vcq0-zbi3-fdudoncgzxn9



Quinto. *Prazo de presentación de solicitudes*

O prazo de presentación de solicitudes será dun mes contado a partir do día seguinte ao da publicación desta convocatoria no *Diario Oficial de Galicia*.

Santiago de Compostela, 17 de xuño de 2022

Patricia Argerey Vilar
Directora da Axencia Galega de Innovación

CVE-DOG: dvvygqf3-h3l8-vcq0-zbi3-fdudoncgzxn9

